

## Reglamaint da Chromebooks

- Tuot ils scolars dal s-chalin ot survegnan ad impraist da la scoula Val Müstair, al cumanzamaint da l'on scolastic, ün Chromebook.
- Ils Chromebooks, la software e las cumentas chi toccan pro, restan dûrant tuot il temp da scoula in possess da la scoula.

In segua vegnan definidas las rollas dals differents partits. Nus fain quint chi vegna agi cun san inclet ed evitain da reglamentar mincha dret e dovair in detagl cun tuot las eventualitats.

### Rolla dals scolars

Drets dals scolars:

- dovrar il Chromebook dûrant l'instrucziun sco mez da lavur (tenor instrucziun dal magister)
- organisar las APPs uschè chi'd es pratic per lavurar
- explorar differentas tecnicas da lavur chi faciliteschan la lavur
- dovrar il Chromebook a chasa in prûma lingia per lezchas, ma eir per retscherchar temes chi sun d'interess privat

Dovairs dals scolars:

- trattar il Chromebook e sias cumentas cun gronda chüra
- tour il Chromebook a scoula in stadi chargià
- guardar da la sfera privata: mai dar il Chromebook ad oters, na partir ils pleds clav, respettar strictamaing la sfera privata dad oters
- schi nu vain explicitamaing admiss, nu vegnan dovradas raits socialas e neir giovats games a scoula
- in chasa da scoula van tuot ils scolars aint l'internet sur il WLAN da scoula; oters access nu sun admiss (sainza otra instrucziun dal magister)
- respettar las reglas d'adöver a chasa chi vegnan definidas dals genituors
- as partecipar ad evaluaziuns dal proget

Scha ün scolar nu's tegna vi da las reglas, as permetta la scoula da limitar l'adöver dal Chromebook o in cas da cuntrafacziuns plü grondas eir da tour davent il Chromebook per ün temp limità o dafatta illimità.

### La rolla da la scoula

La scoula...

- pissera da metter a disposiziun als scolars apparats chi funczian
- evada lavurs da garanzia e disturbis tecnics (chi nu pon gnir evas svess)
- nu surpiglia ingüna responsabilità per datas personalas chi van a perder e neir per consequenzas dischagreablas causadas dad ün fos adöver (perder pleuds clavs, invalidar codes, stüder datas, bloccar l'apparat, etc.)
- as piglia il dret da limitar l'adöver dals apparats sco eir dad interrumper quist proget da Chromebooks avant il temp previs

Ils magisters pertocs...

- definischian plainamaing l'adöver dals Chromebooks in lur instrucziun
- han il dret da controllar a tuots temps ils cuntgnüts dals Chromebooks sainza discussiun o impedimaint dal scolar pertoc

### La rolla dals genituors

Ils scolars vegnan instruits precis co dovrar ils Chromebooks per las singulas lezchas i'ls differents roms. Per bleras lezchas daja eir "tutorials".

Vus genituors decidais co cha voss uffants pon dovrar lur Chromebook a chasa:

- ün temp d'adöver limità fa in mincha cas sen (uras d'adöver fixas)
- il Chromebook dess gnir dovrà in prüma lingia per "lezchas" da scoula
- ils genituors han adüna il dret da verer tuot ils cuntgnüts dal Chromebook
- i fa sgüra sen cha'ls uffants han access al WLAN da chasa
- ils magisters as pon dar ulteriuras infuormaziuns a regard masüras da sgürezza o funtanias da litteratura sur dal Chromebook
- In cas da dons piglian ils genituors sü contact cul mainascoula per discuter il proceder
- Dons, chaschunats d'ün adöver sainza chüra, han da gnir pajats dals genituors.

### Decleraziun dal scolar e dals genituors

Eu (scolar) \_\_\_\_\_ sun perinclet da resguardar strictamaing quist reglamaint. Eu am sun conscientia da girodair ün grond privilegi e surpigl quella responsabilità.

Genituors: Nus vain let quist reglamaint e surpigliain la responsabilità per l'adöver dal Chromebook da nos uffant pel temp da scoula ed impüstü t'il temp liber. Nus genituors e magisters vain adüna il dret da tour invista a tuot ils cuntgnüts da las datas sül Chromebook ed eschan pronts da trar consequenzas educativas scha las reglas nu vegnan tgnüdas aint.

Data: \_\_\_\_\_

### Suottascripziuns:

Scolar(a): \_\_\_\_\_

Genituors: \_\_\_\_\_